



**Uunga siunnersuut: Inatsisartut Naalakkersuisullu pillugit Inatsisartut Inatsisaata allanngortinneqarneranik Inatsisartut Inatsisaat.**  
**(Kukkunersiuinermut Ataatsimiititaliap piginnaatitaanera aamma paasissutissanik atortussanillu piumasaqarsinnaatitaanera)**  
(Inatsisartut Siulittaasuat)  
(Siullermeerneqarnera)

Demokraatit Inatsisartut Siulittaasoqarfiat qutsavigaa allannguutissatut siunnersuuteqarneranut, Kukkunersiuinermut ataatsimiititaliap piginnaatitaaneranik annertusaasussamik pissarsiffiususaaq taamatullu ataatsimiititaliap nakkutilliineranut qulakkeerinnittusaaq.

Tassani pineqarpoq aaliangiinermut attuumassuteqarnermut apeqqummut nipsisattassat qaffanneqarnissaannut Naalakkersuisuusimasut aaliangererat. Allatut oqaatigalugu allannguinnissamik siunnersuut tunngaveqarpoq, kukkunersiuinermut ataatsimiititaliaq taamani nakkutilliinerminut atugassaminik uppersaatinik pissarsisinnaasimanginnera.

Demokraatit iluarisimaarpaat, Inatsisartut ataatsimiititaliaa suliainnut aporfionngitsumik pitsaanerpaanik periarfissinneqarmat. Oqaaseqarfigilaarusuppapulli, inatsimmik taamatut allannguneq ammanerusumik ingerlatsinissamat kissaammut allannguinnigmmat, tassalu Naalakkersuinikkut ersarissumik isertuannngitsumillu nassuiaasiornissamat tunngatillugu annertuumik kissaateqarnitsinnut. Allatut oqaatigalugu, sooq nakkutilliineq tamakkiisumik ammasuunngitsoq, soorunami suliat isertuussassat mianerisassallu eqqarsaatigalugit? Sooq annertunerusumik tamakkiisumik ammasuunissamik piumasaqartoqanngila, suut suliassat ataatsimiititaliani ingerlanersut, aammalu taakku sumut killinnersut? Isumaqaarpugut tamanna suli killilimmik pisartooq. Ersarissumik ammalluinnartumillu aqutsinerup annertusineratigut Inatsisartut ataatsimiititaliani sulineranni Naalakkersuisullu suleriaasianni, tamatta suleqataassaagut innuttaasut politikikkut aqutsinermut tatiginnissusaat annertusarniarlugu. Taamatut ingerlatsinermi allaffissorneq annikillisinneqarsinnaavoq Inatsisartuni aammalumi Naalakkersuisuni, tassa apeqqutit kikkunnut tamanut soqutiginarsinnaasut tamakkiisumik ammasumik suliarineqartalissammata, pisortat iserfigisinnaasaat. Soorunami paasissutissat inunnut tunngassuteqartut pinnagit aammalu suliassat, annertuumik isertuussassaasut.

Pingaarnertut matumani pineqartoq tassaavoq suleeriaatsinut tunngatillugu suliffeqarfiup iluani naatsorsuuteqarfeqatigiinnermillu paaseqatigiiffiusumik inissinissaaq Naalakkersuisut Inatsisartullu sulinerisa akornanni aammalu taakku ataatsimiititaliaanni, qanoq ataatsimiititaliat nakkutilliisinnaanerisa qulakkeerneqarnissaat. Taamaattumik taamatut oqaaseqateqarluta siunnersuut isumaqatigalugu oqaatigissavarput, kisiannili erseqqissaatigalugu qanoq ililluta ersarissumik politikikkut aqutsineq qaffassarsinnaaneripput – aamma sulianut assingusunut isornartuinerujussuarmik kinguneqartut pinngitsoortinniarlugit, allaammi 2021-imi qinersinissap suaarutigineqanngilaarnerani pisut, inuiaqatigiinni annertuumik aalassatsitinerujussuarmik kinguneqartitsisoqarsimammat.



Taamatut oqaaseqarluta aappassaaneerneqannginnerani Inatsisinut ataatsimiititaliamut siunnersuut suliassanngorlugu innersuupparput periarfissap qulaajarneqarnissaa siunertaralugu, politikikkut sulinermi qanoq iliornikkut ersarinnerusumik sulinissaq qulakkeersinnaaneripput.